

Совхозд түрүн болдж

4-ч номертә совхозин 1-ч фермд буудян культурин 3261 гектар тәрән тәргдлә. Газр эдлгәнә кōдлмш ясерна болн дакад цагтан орсн хур-чиигин ашд эн джилн тәрәнә ургъц йир сән болв.

Тәрә хуралгъна кōдлмш, бас элвгәр ургъсн өвс хадлгънла харгълцв. Тегәд олна малд хойр джилд кӯрх хот белдлгъиг сулдхлго, тәрә хуралгъан ахр болзгт, геелт угагъар хурадж авлгън—мана фермин коллективин эркн тōр билә. Мана фермин кōдлмш-чнр болн механизатормуд эн эркн тōрән диилвртәгъәр хагълдж чадв.

Эн джилн июлин 21-д фермин тәрә хуралгъна зура кӯцәгдв. Кōдлмшин 10 өдрин дунд ут-туршдан 3261 гектар буудян культур хурагдв. Ахр болзгт, сән чинртәгъәр тәрә хуралгънд техникән ик эртәс авн кинән кевәр белдлгън эврәнн дōнъ-тусан кӯргв.

Тәрә хуралгънд делгрсн социалистическ дōрлдәнд кесг комбайнермӯд, трактористнр ўзмджтә сән кōдлмшин ўлгӯр ўзӯлв. Комбайнер Башиев, „С-6“ комбайнар 308 гектар тәрә хурагъад, 3397 центнер буудя цокдж авв, эс гилд нег гектар болгънас 10,3 центнер буудя авгдв, комбайнер Ревегук—284 гектар тәрә хурагъад, ут туршдан 3359 цен-

тнер буудя цокдж авб, энүнә хурасн гектар тәрән болгънас 11,8 центнер буудя авгдв.

Комбайнсин тәслвр уга кōдлмш теткхин тōлә эднә бункермӯдәс буудя зōдлгънд сән оныг тәвгдв. Эднәс буудя зōдлгънд ут-туршдан 13 автомашин кōллв. Фермд хойр ток бурдәгдлә, эднә негнә машинә чидләр агсгдла. Энүнд буудя киискдж хагсадг нег зернопулт, дакад буудя машинд ачдг хойр машин тәвгдлә. Комбайнас ирджәсн буудя токсар эд-бод кегдәд, буудя белдлгънә государственн пунктур, совхозин амбарур тасрхан угагъар зōдгдджәв.

Мана совхоз государственн закромд ут-туршдан 84000 центнер буудя кев. Буудя өггдә бәәнә. Дакн чигн кесг минъгън пуд буудя өгхвдн.

Ода фермин коллектив соллом хуралгънд, пар хагългдсн газр асрдж хәләлгънд, малин хот белдлгънд гӯлжрлтән сулдхлго кōдлдж йовна. КПСС-н ЦК-н июньск Пленумин шиидврт тодрха, ил кōдлмшәр хәрү өгәд мах, ноос болн малин талдан чигн шим-шӯус гаргългъиг икдӯлхин тōлә чидлән, медрлән нōбшговдн.

Б. ВАСИЛЬЕВ.

4-ч номертә совхозин 1-ч фермин залгч, кӯч-кōлсчнрин депутатнрин Ставропольск крайин Советин депутат